

حقوقى بىلىپلەر مجموعهسى

هر آيك اون بىشنده نشر اولنور

جرم و قباحته اشتراك

[بجز نسخه مردن مایه]

بوراده بر مسئله حقوقیه موضوع بحث اولمقدمه در . اشتراكه تشبث مستلزم مجازاتیمیدر ؟ « قارارا بو باید بعضی مثاللر سرد ایدرلك از جمله اجاسندن برينك كوندرديكی مکتوبده زوجہ سنك موجودیتنی كشف ایتدیکي جنایتلرندن متحصل تاثیراتی نقل ایتدیکي و کندینك آكا كوندرديكی جوابی مکتوبده زوجہ سنك اولدیرمسنی توصیه ایلدیکي و بو خصوصده او کیمسینی تشویق ایلدیکي و بونی ناصل یا پاچغه دائر تعلیمات و پردیکي و فقط جوابی مکتوبی پوسته و پردیکي زمان اجاسندن اولان اودانك قاریسنی اولدیرمش اولدینگی اتیان ایلهرلك کندینك شریك عد ایدیلهمه جکني و بو حادثهده یازیلان جوابی مکتوبك فعل قتلده برکونا مشارکتی بولونمادیغنی بیان و کذلک آرقاداشنه خرسزلفه یاردیم ایچون پاره لرك بولوندیغنی قاصه بی زورلامغه یارایان واسطه لری (طورنا وسائر آلاتی) تدارك ایتدکن صوکره خرسزك تصادفاً آچیق بولدیغنی قاصه دن یازه لری چالمسی حالده مفروض اشتراك حرکتك صوچ ایله رابطه سز قالمسندن ناشی اشتراك موضوع بحث اولامایه جغنی درمیان ایتدکن صوکره « اشتراك تشبث حقوقی بر اعجوبه در . بویه بر حرکتده بولونان کیمسه اخلاقاً تقییس اولونابیلیر ؟ فقط سیاست دکل . » دیمکده در . شریك تشبثك مستلزم مجازات اولمادیغنده مؤلفین جزائیه نك اکثریت عظیمه سی متحددر . بو مؤلفلر ، اشتراك تشبثك جزالاندیرلمسی حالده افراطه کیدلمش اولاجغنی سرد ایتکده در ل . » [۱]

در حال شونی علاوه ایدلم که تشبث درجه سنده قالان بر فعل ممنوعك اشتراكی جزادن

[۱] پروفیسور « مایو » نك اثرندن : شونی علاوه ایدلم که پروفیسور مایو بو خصوصده مخالف رأی درمیان ایتکده و « قاعل اصلینك روحی اوزرنده جرمك اجراسنده سبب مؤثر وظیفه سنی کورمن واسطه لری (آلات و سائر) تدارك مسئله سی اشتراك حقته کی احکامدن قورتولامایدر . بو واسطه لرك حقیقه قوللانیلماسی دولایسیله ماده بر نقصانک تحدی آنلرك تدارکنده حاصل اولان معنوی تأثیری دفع ایدلم » دیمکده در .

وارسته قالاماز. چونکه اوپژه کشف نقطه نظر دن اورته ده بر فعل ممنوع وارسه آکا اشتراك ايدملرك كافة جزايدده ايديله جكي شه سزدر.

اشتراك اشتراكی مستلزم مجاز اتميدر؟ مسأله سی دخی بر جوق مناقشات علمیة بی مستلزم اولمشدر. قارارا بو باده مسئله یی اوج جهتن تدقیق ایتمکده در: اولاً، تحریک صورتیله اشتراك اشتراکی، ثانیاً تعلیمات ویرمک صورتیله اشتراك اشتراکی، ثالثاً، سلاح ووسائل اجرائیه (ایقاعیه) بی تدارک ایتمک صورتیله اشتراك اشتراکی. برنجی حاله عائد اولق اوزره بر اجزاجینک نه ایچون استعمال ایديله جکینی بیلدیکی بر ماده سمیه یی ویرمکدن استنکاف ایلمی اوزرینه او ماده یی آله ایتمک آرزوسنده بولنان شخصک اجزاجیه پاره ویره رک اوماده سمیه یی کندیسنه تسلیم ایتمی ضمنده اجزاجی تشویق و تحریک ایتمی مثالی ذکر ایتمکده در.

تعلیمات ویرمک صورتیله وقوع بولان اشتراك اشتراک کنه مثال اولق اوزره ده قارارا برای سرقت بر خانه کیرمک ایسته یین خرسزک خانه ک تشکیلات داخلیه سی حقدده کندیسنه معلومات ویرمی ضمنده احباسندن برندن اوخانه ده اولجه خدمتجیلک ایدن والیوم بشقه بر ایش ایله توغل ایتمکده بولونان بر خدمتجیدن معلومات آلمسی رجا ایتمی اوزرینه معلومات واقعه خدمتی طرفندن دوغریدن دوغری به خرسزه دکل بلکه اسمی کچن احباسندن برینه ویرلمی کیفیتنی ذکر ایتمکده در.

سلاح و وسائل ایقاعیه تدارکی صورتیله اولان اشتراك اشتراک کنه مثال اولق اوزره دخی جرمی ایقاع ایدن کیمسه بوسلاح و وسائل ایقاعیه یی تدارک ایدن شریک بو جرمدن کندیسنی خبردار ایتدیکی بر شخص ثالثدن تدارک ایتش اولدیغنی ذکر ایتمکده در. مارالیان اشخاص ثالثه ک بیه رک وجرم ایقاع ایديله جکنه اطلاع حاصل ایدره رک شریکه یاردم ایتمی کیفیتنی برنوع اشتراك عد ایتمکده اولان مؤلفینک مطالعه لری واضع قانونجه - برتسللی ایجاب ایده جکی مطالعه سیله - مظهر قبول اولماش و اشتراك اشتراکی احکام عمومییه و اشتراك حکملرینه کوره حل ایدلشددر.

اشتراک مجزائی. — ۶۵ نجی ماده قانونیه ک صوک فقره سی شریک لرك جزاسنی شو وجهله تنبیه ایتمکده در: شریک فعل ممنوعه مخصوص اولان جزا اعدام ویا مؤبد آغیر حبسندن عبارت اولدیغنی تقدیردن اون سنه دن آشاغی اولماق اوزره آغیر حبس

و مؤید سور کون ایسه اوج سنه مدتله موقت سور کون جزالریله جزالاندیریلور و احوال سائرده قانوناً معین اولان جزانک یاریسی ایندیریلور.

شوراسنی ده سونک لازمدرکه شریکرایچون جزانک تقدیرنده فعلک فاعلارینه و یاهم فاعلارینه ویریلن جزا دکل بلکه قانونک تصریح ایتدیکی جزالر نظر اعتبارده آلتور. بناء علیه فاعل و هم فاعلاره تعین ایدیله جک جزانک ۲۹ نجی ماده قانونیه به توفیقاً تنزیل ایدلمسی حالنده شریکلرک بوتنزیلاتدن، بوا کیستمه لردن استفاده ایدمه ملری ممکندر.

ضروری اولمه اشتراک. — ضروری اولان اشتراکدن باحث اولان فقره قانونیه ۶۵ نجی ماده نك صوك فقره سیدر. بوفقره ده موضوع بحث اولدینی وجه اوزده ضروری اولان اشتراکدن مقصد شریکک اشتراکی انضمام ایتمکسزین فعل ممنوع ایقاعنک ممکن اولماماسی دیمکدر. مثلاً خیرسزلنی قولایلشدیرمق ایچون افندیسنک اوطه قبوسنی آجیق براقان اوشاغک وضعیت حقوقیه سی ضروری شریک وضعیتدر. قانون ضروری شریکلرک یوقاریده ذکر ایدیلن و شریکلره عائد بولنان جزالرده کی تنزیلاتدن استفاده ایدمه جکلرینی تثبیت ایتمشدر. بوقبیل کیمسه لرک ماراللیان تنزیلاتدن استفاده ایدمه مسنک سبب و حکمتی، یوقاریده ذکر ایدیلن مثالده کی اوشاغک خیرسزدن دها آشانی بر جزا ایله جزالندیرلمسک دوغری اولامیه جفیدر. شوقادارکه ضروری اشتراکک کرک نظر یاتده و کرک تطبیقانه تعریف و تثبیت ایدلمسی پک مشکل و حتی غیر قابلدر.

جرم و قیامته اشتراک مقننه قانوناً قبول ایدیلن مخالف حکمدر :

اولا جزا قانوننده قبول ایدیلن مخالف حکمدر — آ. جزا قانوننک ۴۶۳ و ۴۶۴ نجی ماده لری — ۴۶۳ نجی ماده حکمنه کوره بر قتل فعلنی و بر فعل مؤثری متعدد کیمسه لر بر لکده یعنی متقابلاً یا بمش اولوبده فاعلنک کیم اولدینی بلای اولامازسه او کیمسه لرک کافه سی شریک دیو جزالاندیریلور. بوقبیل جرملر ضابطه مزنی و عدلیه مزنی صوك درجه ده اشغال ایدن حادثات جزائیهدن در. شمعی به قادار حکم قانونک مبارز اولمامسی دولایسیله بوقبیل کیمسه لره پایله جق معامله حقننده بر چوق تردد لر واقع اولمقده ایکن یکی جزا قانونی ایتالیا قانون جزاسندن الهام آلاق بوقیفیتی صورت قطعیه ده تثبیت ایتمشدر. بونوع اشتراکه « طرفینک حرکات متقابله سنه نظراً اشتراک » دنیلور. ۴۶۳ نجی ماده نك تصویر ایتدیکی حادثه ده صوجه اشتراک ایدمه نلرک هپسنک مجرم اولدیغنده

شبهه یوقدر؛ فقط فعلی (قتل) دوغریدن دوغرییه کیمک ایشلیدیکی بللی اولمادیقندن و بو کیمسه لر حقنده هم فعللره مخصوص آغیر مسئولیتی تثبیت ایتک هم مفرط و همده آغیر اولاجنی دریش ایدلایکندن بوقیل کیمسه لرك کافه سی شریک عد ایدلشدرد.

شو ایضاحاته کوره دنیه بیلیر که ۴۶۳ نجی ماده قانونیه ده تثبیت ایدیلن (طرفینک حرکات متقابله سنه نظراً اشتراك) نظریه سی، احکام سابقه مزده مدون اولان «قصاص شبهه ایله مندرس اولور» قاعده سنک - که احکام غریبه ده بوقاعده نك مماثل اولوق اوزره «تردد حالته، مجرم لهنه حرکت اولونور» قاعده سی مرعیدر - تطبیقندن و بر اثبات و بر دلیل مسأله سنندن بشقه برشی دکلدر. هپسنک مجرمیتی محققدر. فقط فاعلک کیم اولدینی بیلنمه مکده در. ایشه بوندن دولای در که او کیمسه لرك کافه سی شریک کبی یعنی آله ایدیلن دلائل جرمیه دائره سننده و فعل ایچون تعیین ایدلش اولان جزانک اوچده بوندن یاریسنه قادر ایندیرلک و اعدام و مؤید آغیر حبس جزالرینی مستلزم فعللرده اون سنه دن آشاغی ویکرمی سنه دن یوقاری اولقسزین آغیر حبس جزاسی حکم اولونوق صورتیه جزالاندیریلور. شو قدار که ۴۶۳ نجی ماده ده موضوع بحث اولان و یوقاریده ذکر ایدیلن نظریه ۴۶۴ نجی ماده ده بیان اولتان غاوغا صرم سننده کی قتلدن و مؤثر فعللردن برجهتجه آیریلور. ۴۶۳ نجی ماده قانونیه نك تطبیقی ایچون فعل ممنوعک متقابلاً ایشلندیکنه دائر آله بر دلیل بولونوق لازمدر. حالبو که قانون بالعکس ۴۶۴ نجی ماده ده، بر غاوغاده مجهول بر فاعل و شریک لر طرفندن قتل و یا مؤثر فعللر ایقاع ایدلیدیکی تقدیرده صورت فوق العاده ده اولارق ساده جه مجرمیتلرینک امکان دائره سننده بولونمسنه وطن غالبه استناداً غاوغایه اشتراك ایدنلری جزالاندیرمقده در.

۴۶۴ نجی ماده، بر غوغاده، بر شخصک اولمش و یا یارالانمش بولنسی حالده اوشخصه قارشى غوغا انساننده آل قالدیرانفر حقنده تطبیق ایدیله جک جزالری متضمندر. بالطبع بو حکمک تطبیقی ایچون ثولهن یا خود یارالانان کیمسه نك کیمک طرفندن ثولدرلیدیکی و یا یارالاندینی ثابت اولامامسی لازمدر. چونکه استعمال ایدیلن روولورلرك و بچاقلرك کیمه عائد اولدقلری بو سلاحلرك آچدقلری یاره لرك تدقیق ایله تثبیت ایدلک بو کون ممکنات فیه دندرد. بو قیود احترازیه نظر اعتباره آلتوق شرطیه اورته ده برقتل و یا برقتل مؤثر موجود ایکن و جزا قانونجه او بژه کشف بر سیستم تعقیب ایدیلیرکن غوغایه اشتراك ایدنلری جزاسیز براقق مخالف منطق اوله جقدر دنیه لیه لرك ۴۶۴ نجی ماده قلمه آلمشدر.

بناءً عليه او غوغاده آدم اولمش و یا اولومی انتاج ایدن بر یاره وجوده کتیرلمش ایسه غوغا ائسانسده ال اوزاتمش اولانلر و بو حالده ایکن دردست ایدیلنلر بر سنه دن بش سنه یه واحوال سائرده بر سنه دن ایکی سنه یه قدر حبس جزاسیله جزالاندریله جقلر و آل اوزاتمامش اولوبده یالکیز غوغایه داخل اولانلر اوچ کوندن آلتی آیه قدر حبس جزاسنه محکوم اوله جقلردر. شاید غوغانک حدوشه سبب اولان کیمسه لر وارسه بونلرک فعل و حرکتی آغیر تلقی ایدیلرک او کیمسه لر حقنده تزیید و تشدید جزا لزومی تأمین قلمشدر .

« طرفینک حرکات متقابله سنه نظراً اشتراک » نظریه سی دیدیکمز وجهله بر اسباب ثبوتیه مسئله سی اولدیغندن معین حالدرده قتل و مؤثر فعللردن غیرى موادده دخی تطبیق ایدیله جک جزا ۶۵ نجی ماده قانونیسه تثبیت ایدیلن جزادن عبارتدر. ۶۵ نجی ماده یه نظراً آغیر حبسدن غیرى جزالرله جزالاندریلان صوچلرده قادی جزانک یاریسی تزییل ایدیلنک ایجاب ایدرکن ۴۶۳ نجی ماده قانونیسه ده ا آغیر بر جزا تعیین ایدایکده در. چونکه ۴۶۳ نجی ماده « جزانک اوچده بردن یاریسنه » قادار ایندیریله جکنی تثبیت ایلکده در. بناءً علیه حاکم ۶۵ نجی ماده قانونییه موجبجه قادی جزانک یاریسنه قادار تزییلات اجرا ایتک مجبوریتنده اولدیغی حالده ۴۶۳ نجی ماده ده کی حادثه ده آلدی کی دلیلرله نظراً جزانک اوچده بریله یاریسی تزییل ایتک ایچون صلاحیتی استماع ال ایتک مجبوریتنده در: ب — جزا قانونشک ۲۹۱ نجی ماده سی — اشبو ماده حکمنه نظراً بر کیمسه ، شاهد و یا اهل خبره استماعه صلاحیتدار اولان بر مأمور و یا هیأت حضورنده یالان شاهد استماع ایتدیرمک ایچون یاره ویرمک و یا سائر منفعت کوسترمک یا خود وعد و تشویق و یا تهدید یا خود حبیله و دسیسه ایله یا خود نفوذ قوللانق صورتیله یالان شهادتی ایشله تمش و خلاف واقع رأی بیان ایتدیرمش و ترجانلق یاپدیرمش ایسه حادثیه کوره بر آیدن بش سنه یه قدر حبس جزا سی ایله جزالاندریله جغه نظراً اشبو ۲۹۱ نجی ماده نلک، ۶۵ نجی ماده حکمی خلافنده بر جزایی متضمن اولدیغی کوریلکده در . واضع قانون بو ماده ده احکام عمومیه دن آیریش و شریکله بو خصوصده آیری بر جزا تثبیت ایتشدر .

ث — جزا قانونشک ۳۵۲ نجی ماده سی — واضع قانون اشبو ۳۵۲ نجی ماده ده دخی شریکله حقنده احکام عمومیه دن آیری اولق اوزره بر حکم تثبیت ایتشدر. بو ماده

حکمه نظراً هویت جزو دانی، نفوس تذکره سی، پسا پورط ورخصتنامه، علم و خبر، شهادتنامه و بیاننامه کی و ثائق ساخته اولارق تنظیم ایدن کیمسه بر مأمور رسمی اولوبده مأموریتی اجرا حالنده بو جرملری ایشله مکده باشقه سیله برلشیره آلتی آیدن اوج سنه قدار حبس جزاسیله جزالاندریلور.

دیگر قانوننده مرمورد اولاره مخالف حکمده :

آ — ۱۶ تموز ۳۲۵ تاریخی مطبوعات قانوننک ۱۱ نجی ماده سی اشبو ماده نك متنه وروحه نظراً غزته مدیر مسئوللرینك مطبوعات قانوننده مندرج احکام جزایه ایله جزالاندریلری قانون عمومی حکمنده بولان جزا قانوننک ۶۵ نجی ماده سنه بر استئنا شکلنده در.

ب — عسکری جزا قانونی شریکدر حقننده قانون عمومی حکمنده اولان جزا قانوننک ۶۵ نجی ماده سی خارجنده احکام جزایه تدوین ایتش اولدیغندن بو باده فضله تفصیلات آلق ایستینلرك اوقانونه مراجعت ایتلری اقتضا ایدر.

تفصیلات آفنده صوکره جرم و قباحته اشتراك بحثنی آتام ایچون جزا قانوننک ۶۶ و ۶۷ نجی ماده لرندن بحث ایتك و بوا یکی ماده نك مضمونی اولان « شخصی و مادی احوال و اسبابك سرائی » کیفیتنی تحلیل و تفصیل ایتك اقتضا ایدر ؛ یوقاریدن بری ویرمش اولدیغمز ایضاحات، بر صوچه اشتراك ایدنلرك مسئولیتلرینك، سببیت ویردکلری نتیجه لر ایله متناسب اولدیغه دأردر. بوندن آ کلاسیلان شودر: شریکلك، قصدلرینك و خاقی ودرجه شمولی ایله متناسب بر صورتده اخلال ایدیلن حقلردن مشول طوتولا. جقلریدر. جزایی تشدید ایدن احوالك شریکله تشمیلی بو حکم عمومی به استناد ایتمکده در. بوقاعده کلیه بر صوچه تراقق ایدن بوتون احوال حقننده جای تطبیفدر. فقط قانون بوندن بشقه شخصده مندیج احوال و اوصاف ایله مادی احوال و اسباب ایچون بعض خصوصی قاعده لر وضع ایتشدركه بونلرده ۶۶ نجی و ۶۷ نجی ماده لرده تثبیت ایدیلن حکملردن آ کلاشلمقده در. برنجی قسم احوال و اوصاف ایله ۶۶ نجی ماده مشغول اولمقده در. بوماده به نظراً بر صوچی ایشله یندرلن ویا اجراسنی قولایلاشدیرمنه یاردیم ایدنلردن بری حقننده تشدید جزایی موجب اولان شخصه مربوط دائمی ویا عارضی احوال و اوصاف، جرم ویا قباحته اشتراك ایلدکلری زمانده آ کا واقف اولان فاعللره

دخی سرایت ایدر . شو حالده ۶۶ نجی ماده قانونیه ، صوچی ایشله مک ویا اجراسنی قولایلاشدیرمق نقطه سندن مجرملردن بریسی حقنده موجود اولان احوال و اوصافدن بحث ایتمکده در ؛ یعنی قانون صوچک نه عنصر مرکبی اولان و نه جزاسنی اورته دن قالدیران ونه ده اسناد قابلیتنی بر طرف ویا تخفیف ایدن شخصی احوال و اوصافی موضوع بحث ایتمه مکده در . بو سکونک حکمتی شودر : اسناد قابلیتنی بر طرف ایدن سبیلردن اولوبده قوه تمیزیه صاحب اولمایان بر صغیر ویا معلولیت عقلیه و روحی ضعفه مبتلا اولان بر کیمسه طرفندن صوچ ایشلندیکی تقدیرده بویه بر صغیری ویا کیمسه نی تشویق ویا تحریک ایدر نلرک ، شریک صفتیه دکل بلکه فاعل صفتیه کی جزالندیریله جقلیدر . فاعلک مسؤلیتنی خفیفله تن بو قیل شخصی حاللر یعنی صغر سن ویا معلولیت عقلیه نک شریکاره سرایت ایدر جکی هیچ بر وجهله پیش تأمله آلتماش و بو قیل مشوق و محرک لک سبق ایدن فعالیتلرینک معنوی قوتلرینی صوچه نقل ایتش اولدقلری نقطه نظری قبول اولونمشدر . آنجق «مدافعه مشروعه» و «مدافعه حدودینی تجاوز حاللرنده» کرک کندینک و کرک بشقه سنک حیات و ناموسنه وقوعولان تجاوزاتی منع ایتک اساسی واضع قانونجه قبول ایدلش اولمسنه بناء بو سبیلرک شخصی دکل بلکه فعلی اولدیغنده و بو اعتبارله بوتون شریکلره ساری اولاجغنده شبهه یوقدر . ذاتاً بو بایده ایتالیان محکمه لرندن صادر اولان قرارلر دخی بونی تأیید ایتمکده در .

۶۶ نجی ماده قانونیه نک بحث ایلدیکی شخصی احوالک شریکلردن بری حقنده تشدید جزایی موجب اولان و صوچک اجراسنی قولایلاشدیرمغه یاریم ایدن حاللر اولدینی شبهه سزدر . آنجق ۶۶ نجی ماده یه کوره آتی الذکر ایکی احتمالی یکدیگرینه قاریشدیرماق لازمدر . بو احتماللردن برنجیسی شودر : یالکز مجرم طرفندن کندینسه ترتب ایدن و باشقه لرینه عائد اولیان دها بویوک بر وظیفه نی اخلاص ایتدیکندن دولانی - یوقسه او کیمسه واسطه سیله صوچک ایشلمسی دها قولای اولدیغندن دکل - شخصی اولان بر وصف ویا حالک تشدید جزایی موجب اولق اوزره تلقی ایلدیکی قانونک لفظ ویا روحندن آکلاشیلیور .

ایکنجی احتمال دخی قانونک حکمی ، شخصی بر حالک سوء استعماله ویا صوچک طرز اجراسنه متعلق مستثنا بر ماهیت اضافه ایدر . برنجی شقده شخصی احوال ، شریکلرک حرکاتلری اوزرنده هیچ بر تأثیر یا پاماق و آنجق فاعلک شخصنه عائد بولونمق

اعتباريله شريكه سرایت ایتمز . ايكنجی شقده ایسه سرایت ایده . چونکه ايكنجی شقده صوچك اجراسنه متعلق شرط حکمه منقلب اولور . مع هذا بابا قاتلکنده (جزا قانونی ماده : ۴۵۰) جزایی تشدید ایدن سبب شريكه سرایت ایتمز . چونکه باباسی اولديره چوچق ايله او بابا آراسنده کی مناسب جرمك طرز اجراسی خصوصنده حقیقی بر تأثیر افاده ایتمز . تعیر دیکره جرمك اجراسنك شرطی حالته منقلب اولماز . عینی سبیلردن دولای صوچك متعمداً اجرا ایدلسندن متولد سبب شدت شرکایه ساری دکلدر . چونکه تعمد آنجق مجرميتك وسعی حقنده پك کوزل بر مفهوم افاده ایده . قانونك ۴۳۵ نجی ماده سنده موضوع بحث اولان وایکی سنهیه قادار حبسی مستلزم بولونان واون بش یاشی دولديرمهش چوچقاری فحشه تشویق ایدن محبت دلالری حقنده تعیین ایدلش اولان جزا ، فحشه تشویق جرمی او چوچك آنا باباسی ویا قرده شلرندن بری یاخود تربیه و محافظه سنده تودیع ایدلش ولی و وصی و معلم و مربی و خدمتکاری طرفندن ایقاع ایدلش اولدیغی تقدیرده موقت آغیر حبسه (بر سندن یکریمی سنهیه) قادار تشدید ایديله جکندن واون بش یاشی دولديرمش اولوبده هنوز اون سکز یاشی بیتیرمهش کیمسه لر حقنده بو صورتله وقوعولان فحشه تشویقك استلزام ابتدیی آلتی آیدن ایکی سنهیه قادار حبس جزاسی یوقاریده ذکر ایدیلان ولی ووصی الخ کیمسه لر طرفندن ایقاع اولوندیغی صورتده ایکی سندن یکریمی سنهیه قادار حبس جزاسیله جزالانديرملق صورتيله تشدید اولونه جفندن بو مشدد جزا سبیلر شرکایه شامل دکلدر . بالعکس خرسزلقده خدمتچی صنفی شرکایه ساریدر . چونکه خرسز ايله مالی چالینان افندیسی آره سنده ایقاع خدمتدن متولد متقابل مناسبادن منبعث بر نوع امنیتك سوء استعمالی خرسزلقك اجراسنی و بالنتیجه شريكك مشترك قصد جرمیسنك حصولی قولایلاشدیرر . عینی اسبابدن دولای صفت مأموریتك سوء استعمالی صورتيله بر کیمسه نك شخصی حریتدن محروم ایدلمسی (جزا قانونی ماده : ۱۸۱) یاخود حکومتك تحت محافظه سنده بولونان اشیانك چالمنسی (جزا قانونی ماده : ۲۷۵) ، ذمه پاره کچیرلمسی (جزا قانونی ماده : ۲۰۲) وارتمکاب اولونمسی (جزا قانونی ماده : ۲۰۹) کبی احوالده مظنون موقعنده بولنان مأمورك صفقی هم فعلنجه یاخود شریکمنجه معلوم بولونمش اولدیغی تحقق ایده رسه مأمور صفتندن تولد ایدن نتیجه لرک یعنی تشدید جزایی موجب اولان سبیلرک هم فعلره و شریکله سرایت ایتدیرلمسی اقتضا ایده .

قانون ٦٦ نجی ماده ده جرم و یا قباحتی برابر ایشله یئلردن و یا اجراسنی قولایلاشدیرمه یاردیم ایدهنلردن بری حقنسه تشدید جزایی موجب اولان شخصی مر بوط دائمی و یا عارضی احوالک کیمده بولونماسی لازم کلدیکنی سوله مه مکده و بناء علیه مطلق بر عباره استعمال ایتمکده اولدیغندن جر مه اشتراك ایدن هم فعل و شریک لرك کافه سی عینی طرز ده مسئول اولق ایچون جزایی تشدید ایدیجی احوال و اوصافک هر هانکی برنده بولونسی کافیدر. بر مؤلفک دیدیکی کبی « مثلا بریسی خرسزلق یا عقی قصد یله خدمتجی ایل اشتراك ایتسه و خدمتجی هیچ بر صورتله حرکات اجرائیه اشتراك ایتدن یالکزر افندیسنک او طه منه دها قولایقله کیرلسی ایچون خرسزه بر واسطه کوسترسه یا خود تدارک ایتسه کرک شریک اولان خدمتجی حقنده و کرک خدمتجی اولمالان فاعل جرم حقنده خدمتکارلق صفی جزامک تشدیدینی موجب اولور. فی الحقیقه پروفیسور ماینونک دیدیکی کبی « صد اقسز بر خدمتجینک قصد جرم یسنده بر اجنبی بی بویه بر جر مه اشتراك ایتدیرمی و فعل ممنوعی آکا یا پدیرمی صورت یله خدمتجینک وضعیت حقوقیه سنی تبدیل ایدیه بیله جکنی قبول ایتک انسانه نفرت و برر. خارجدن اولان یا باخیلرک خدمتجینک صفتندن متحصل تشدید جزایی موجب سیلردن متأثر اولملری نه کلنجه؛ بونک حق و عدله موافق اولدیغنده شبهه یوقدر. چونکه او اجنبیلر اور تاده موجود اولان برانیتدن استفاده ایتشلردر».

« یوقاریده ذکر ایدیلان شخصی احوالک شریکاره سرایت ایدیه بیلرسی ایچون ٦٦ نجی ماده قانونیه دیگر بر قید اساسی بی تثبیت ایتمکده در که اوده عنصر معنوی نک تلاحق ایتسی کیفیته متدائر در. یعنی شریک لرك فعله اشتراك ایتدکلری زمانده بو سیبلره، بو وصفلره بو حاللره واقف اولملری قضیه سیدر. الحاصل تشدید جزایی موجب اولان شخصی احوال و اوصافک صوچک فاعلنده و یا شریکده بولونمق نظر قانونده مساوی اولدینی کبی بو شخصی احوال و اوصافدن متأثر اولاجق کیمسه لرك آنجق جرم و یا قباحته اشتراك ایتدکلری زمانده آکا واقف اولان کیمسه لره عائد اولدیغنده و بوندن غیر ی کیمسه لرك یوقاریده ذکر ایدیلان شخصی احوال و اوصافدن متأثر اولمایه جفنده شبهه یوقدر. شوراسی ده شایان قید در که بو کیمسه لرك یوقاریده ذکر ایدیلان شخصی احوال و اوصافدن متأثر اولملری ایچون جرم و یا قباحته اشتراك ایتدکلری زمانده آکا واقف اولملری نک ثابت اولسی لازمدر؛ باشقه بر زمانده واقف اولملر ایه حکم قانون خارجنده

قلاړق ۶۶ نجی ماده قانونیه نك كندی حقارنده تطبیق ایډیله میه جکی شهه سزدره. [۱]
 كذلك شوراسی ده علاوه ایده لم كه شخصی احوال و اوصافك شریكړه سرایت
 اتمسبله برابر ماده قانونیه نك صوك حكمنه نظراً بو کیسه لم حقدده ترتب ایدن جزانك
 آلیده برینك ایندیریله جکی و اعدام ایله مؤبد آغیر حبس جزاسنه بدل یكړمی سنده دن
 یكړمی دوت سنده قدار آغیر حبس جزاسی حكم اولنق صورتبله تزیلات اجرا
 ایډیله جکی نظر دقتدن دور طوئامق اقتضا ایدهر. «آنحق اشبو ۶۶ نجی ماده ده قبول
 ایډیلان و ۲۹ نجی ماده قانونیه ده مصرح ترتیه رعایت ایدلك صورتبله اجراسی مقتضی
 بولونان اشبو تزیلات صرف اختیاریدر. یعنی حاكمك تقدیرینه بر اقلمش بر کیفیتدر.
 حاكم بو تزیلاتی یاباركن و یا جزایی عیناً تطبیق ایدهر كن مختلف شریكرك فنالقلری
 درجه سنی و جریمه اشتراكړنده کی تأثیری نظر اعتباره آلیر. مثلاً: قصد جرمینك تثبیت
 و اجرا سنده کی اشتراكړینك اساسی اهمیتی، بوتون مجرمرك صوچك اسناد قابلیتدن
 استفاده ایده جكلری بروصفه نظراً شخصی حالرنده کی مخالفتك اهمیتی اورتادن قالدیراړق
 معنوی و عقلی هم فعللر ایله اشتراك كه لزوم كورمش کیسه لمك جزالرینی تخفیف اتمز» [۲].
 شریكردن بری حقدده تشدید جزایی موجب اولان شخصه مربوط دائمی و یا عارضی
 احوال و اوصافك فاعللره، هم فعللره و حتی شریكړه سرایت ایدوب اتمیه جكنه دأثر
 اولان ایضاحات ویرلد كدن صوكره فعلك جزاسنی تشدید ایدن مادی سبیلرك شریكړه
 سرایت ایدوب اتمیه جکی حقدده بعض تفصیلات اعطاسی لازمدر: آنحق اول امرده
 شونی علاوه ایده لم كه ۶۷ نجی ماده قانونیه كه بوخصوصدن بحث اتمكده در - اصلندن
 یاكلش اولارق نقل ایدلش و چونكه اصلنده کی (اشتراك ایدلكری زمانده) كهلری برینه
 (فعل ایشلندیكی زمانده) كهلری اقامه ایدلش و حالبو كه بومعترضه لم ایشنده کی كهلرك
 مفهوملری باشقه باشقه اولسنه و مسئله نك بوتون اینجهلکی بو نقطه ده بولونمسه بناء تفصیلات
 آتیه نك یوقاریده یازیلی اولان ماده نك اصلنده کی «اشتراك ایدلكری زمانده» قیدینه كوره
 اعطاسی حقوق جزا پره نسبیله قابل توفیق اولاجنی درپیش ایدلش اولدیفنك نظرندن
 دور طوئامق اقتضا ایدهر: «جزایی تشدید ایدن و یا صوچك وضعیتنی دكیشدیره
 مادی سبیلرك شریكړه سرایتده نظر دفته آلمسی لازم كن شرط اساسی او شریكرك

[۱] پروفیسور «مانیو» نك اترندن.

[۲] پروفیسور «مانیو» نك اترندن.

(صوچه اشتراك ايشدكلى زمانده) اوسبىلرك موجوديته مطلع اولملىرى كيفيتيدر. بو اعتبارله صوچك ايشلنمه سندن مقدم واقع اولان حر كىلر، فعللر ياخود وعدلر شىكلنده تجلى ايدن «معنوى و عقلى هم فعللك ياخود اشتراك موضوع بحث اولدينى تقديرده مادى سببلره اطلاع كيفيتى، صوچه تحريكك وقوع بولدينى ياخود صوچك اجراسنه تقدم ايدن معاونت ويا وعدلرك ياشلدينى زمانده آرانىلىق ايجباب ايدن. مع مافيه چالنه حق ايشايى صاقلايه جغنى صوچك ايقاعندن اول وعد ايتلك صورتيله شريك اولان بركيمسه، خيرسزلره ائتلاف ايتديكى صرعهده بوخيرسزلرك بر خدمتچىنى كندىلرينه شريك اتخاذا ايدن جكلرنن ياخود خيرسزلىنى ياقى ايچون اورتاده موجود اولان مادى حائللىرى قيره جكلرنن خبردار دكل ايسه خدمتچىلك وصفك موجوديتدن ياخود قيرمق كيفيتدن مسئول اولماز.

«فقط جزاي تشديد ايدن مادى سببلرك اولجه معلوميتى قاعده سنى - كه بوكا ايتاليان حقوق جزا مؤلفلىرى «برشيتى اولدن استدلال نظريه سى» ديمكده درلر - معناسز نتيجه لره قادار واردير ماق ايچون شوراسنى اونو تامليدر: «قانون، مادى سببلرك اولدن معلوميتنى، هم فعلك ويا شريكك اراده سى اوسبىلره دخى تعلق ايتمى نقطه سندن بر شرط اساسى اولق اورده آرامقده در. بىلهر ك ساخته آناختار ويا مایمونجق ویرن كيمسه، بوبىلهر ك تدارك كيفيتدن دولايى سركت موصوفدن مشتركاً مسئولدر. بو آناختار ويا مایمونجق ویرديكى دقيقهده خيرسزلرك قاصه بى قبلى بولا جكلرىنى و بناءً عليه كنديسى طرفندن ویريان آللىرى استعماله مجبور اولاجكلرىنى قطعيتله بىلديكى آرامغه لزوم بو قدر. عینى اسبابه بناءً صوچك ايقاعى صرعه سنده حدودى تجاوز، شريكك طرفندن ارايه ايدىلن واسطه لرك استعماله متوقف ايسه شريكك اوتجاوزدن كذلك مسئولدر» [۱].

شو ايضاحات ویرلكدن صوكره يوقاريده واضع قانونمز طرفندن ياكلش اولارق قبول ايدلديكى سوبله نيلن (فعلك ايشلنديكى زمانده) كله لرینك توليد ايدن جكى محذورلر حقتنده بعضى تفصيلات اعطاسى موافق كورلشدر. ايتاليان قانون جزاسنك ماده قانونيه مزه تقابل ايدن ۶۶ نجى ماده سنك لفظى شوبله دورسون روحنن آكلاشىلان كيفيت بو خصوصده متعدد كيمسه لر طرفندن ياپىلان اشتراكك، اشتراك زمانندن اول اولديفيدر. بناءً عليه جزاي تشديد ايدن مادى سببلرى، دكل «فعلك ايشلنديكى زمانده» حق

[۱] پروفور «مانيو» لك اثرندن .

صوچه اشتراك ايتدكلری زمانده — كه بوكا حقوق جزاده ه اجرايه مترافق هم فعللك ويا اشتراك « دنيلور — او سياره واقف اولانلره تحمیل ايتك تهلکيهي مستلزمدر. بعض سيار واردركه بذاته غایت وخيم جرمار تشكيل ايديهيلير : « بوش برأوده ياييلمسی قرارلاشدیریلان خيرسزلق ائناسنده أو صاحبك آنسزین اوراده بولونمىندن ناشی تولدیرلمسی بوقیلدندر . بو حالده صوچك مسئولیتی يالكز قتلک فاعلی ايله قتله اشتراك ايدهنلره عائد اولقى ايجاب ايدهر؛ أو صاحبك اوده بولونمى وتولدیرلمسی سرقة اشتراك ايتدكلری صروده شهسز ديكر خيرسزلك معلوميدر. چونكه بر مجرمانه اشتلافه داخل اولان کيمسه اولجه قرارلاشدیریلان فعلده کی شريکک منفرد حرکتندن معلوماتی اولدينی تقدیرده عینی فعل ايله برابر جزای تشديد ايدهن سيبه دخی اشتراك ايتمشدر . يعنی او کيمسه اوفلی بنمسه مشدر، چونكه بيلهرك ايش يامشدر . »

« ۶۷ نجی ماده قانونیه نك اصلنده ماضی صيغه سی ايله « فعله اشتراك ايتدكلری زمانده آکا واقف اولانلره . . . » دهيلمکله فعل ممنوعه تقدم ايدهن بر معلومات ، بر اطلاع تثبيت ايدلمشدر. مثلا خرسزلك ايقاع ايتك ايتدكلری ده وخيم بر فعل ممنوعه اشتراکی آرزو ايتمين رفیقارندن بر خرسز اشتلاف ايتديکی بر صوچدن دولایي فراغت ايديهيلير . محل جرمدن آریله بيلير . مادام كه فراغت ايدهرک کيتمه مشدر ، يعنی فعل ممنوعك اجراسنده اصرار ايتمشدر او کيمسه نك مسئولیتی درکاردر . شونی ده علاوه ايدلم كه مادی سيبيلرك کافه سنه اطلاع پيدا ايتك لازم دکلدرد . بلکه بو سيبيلردن بعضيسنه مطلع اولقى کافيدر . شوراسی ده شایان قیددر كه مادی سيبيلر فعل ممنوعك اجرایی صره سنده حادث اولورلرسه بو سيبيلرك شريکلره سراجی، آنجق بو سيبيلرك حدوئه دائر معلوماتی آله ايتدکدن صوکره فعلی ممنوعی ايقاعده دوام ايدهن هم فعللر ويا شريکلر حقتده وارددر. » [۱]

— ث —

هم فعللكه ومعناي خصوصيه استعمال ايدلمش اولان اشتراكه

عائد عمومي قاعده لر

برنجی قاعده عموميه — « هم فعللك واشتراك ، جزا قانونتی اخلال نيت مشترکمی

[۱] روفسور « ماشو » نك اترندن .

وقصد مشترکی ایله مختلف اراده لرك استدلاری و بو اعتبارله معنوی و یا بدنی قوتلرك بالرضا و بیله لرك عینی جرمك ایقاعی ایچون آکلاشمش اولدقلرینی افهام ایدر . « مثلاً پوستینی صویق ایستین اشقیادن بر قسمی آتلی طوتیور، بر قسمی ده صوچی تشکیل ایدن حرکتی ایقاع ایدیور؛ بو اشقیانك جمله سی هم فعلدر . بناء علیه ذیلله یلیر که هم فعلك و اشتراك ۴۵ نجی ماده قانونیه ده « جرمده قصدك بولونماسی جزایی قالدیرر » دیو محرر اولان قاعده عمومییه تابعدرلر . بوتون جرم لره شامل اولان بوقاعدهیه توفیقاً هر جرم ایچون آیری آیری لزومسز تکرارلری بر طرف ایتمك جهتی واضح قانونجه موافق کورلمش اولدیغندن متن قانونده « بیله لرك » کلمه سنك درجه لزوم حس ایدلما مشدر . بو اعتبارله مثلاً بر کیمسه نك آوه کیتمك اوزره آرقداشندن آلدینی تفنکی بریسی اولدیرمك ایچون قولانسی، بر چلینكر ك حسن نیته بناء بر کیمسهیه تسلیم ایتدیکی آناختار ایله او کیمسه نك خرسزلق یاغسی، بر خدمتچی قادینك بر قاج لقردی ایتك قصدیه افندیسنك ثوبه آلدینی عاشقك فرستدن بالاستفاده خرسزلق یاغسی، بریسی زهرله مکی قصد ایدن کیمسه طرفندن کوستریلان معقول بهانه لره قابیلار ق بر اجزاجینك بعض مواد سمیه و یا تعلیمات و یرمسی، باشقه سنك اوند خرسزلق یا پاچغنی ظن ایتدیکی بر آدمه مردیوه ن طوتدینی حالد او آدامك اوراده بر قتل فعلی ایقاع ایلسی کی مؤلفین جزاییه دن « قارار » نك « آیری مجرمانه نیت » دی به توصیف ایلدیکی حالدرده هم فعلك یا خود اشتراکدن بحث ایدیله مز . شو تفصیلاته و بو مثاللره نظراً هم فعلكده و اشتراکده صوچك ایقاعنه مادی و یا معنوی اشکالده اشتراك ایدن کیمسه لرك عینی صوچك ایقاعنی قصد ایتمش اولملری شرط اساسیدر؛ تعیر دیگرله آنحق بو کی حالد هم فعلك یا خود اشتراك موضوع بحث اولور . الحاصل فاعلده آدم اولدیرمك قصدی اولوبده بو قصده و بو فعل ممنوعه شریك نیت اشتراکی ثابت اولمادیقی تقدیرده او قتله او کیمسه نك اشتراکی موضوع بحث اولاماز . شونی ده علاوه ایدلم که شاید شریك فاعل اصلینك اراده سی خارجنده و مراد ایتدیکی فعل ممنوعدن بشقه بر صوچه نیت اشتراکی بولونه جق اولور و بو جهت مرتبه ثبوت و اصل اولورسه بو حالد اشتراك یعنی فاعل اصلینك ایقاع ایتدیکی فعل ممنوعه اشتراك موضوع بحث اولاماز . مع هذا جزا قانوننك ۱۶۹ و ۳۱۴ نجی ماده لرنده موضوع بحث اولان کیفیت هم فعلك و اشتراك قواعد عمومییه سی خارجنده در .

اشبو ۱۶۹ نجی مادهده بیان ایدلدیکی وجهله هر کیم وطن و دولت قوتلری علیهنده قانوناً تثبیت ایدیلان جرملری ایقاع ایچون سلاحتی جمعیت و چته لره حال و وضعیتلری بیلهرک بارینه جق بر کوستریر ویا یاردیم ایدر یاخود ارزاق ویا اسلحه و جیخانه ویا البسه تدارک ایدر یاخود هر نه صورتله اولورسه اولسون حرکتلری تسهیل ایلرسه حرکت واقعه سی نظر قانونده بر جرم مخصوص صورتنده تلقی ایدیلهرک اوچ سنه دن بش سنه یه قدار آغیر حبس جزاسیله جزالاندیریلور. کذلک جزا قانونسک ۳۱۴ نجی ماده سننده موضوع بحث اولدینی وجهله صوچ ایقاعی ایچون تشکیل ایدیلان جمعیتلر افرادینه ویا اولاردن بعضیسنه بیلهرک و بلاختیار بارینه جق بر کوسترن یاخود ارزاق ویا اسلحه و جیخانه تدارک ایتک صورتیله ویا سائر صورتله یاردیم ایدن کیمسه لره بر سنه یه قدار حبسه محکوم اولاجقاری حقنده کی حکم، ۶۵ نجی ماده قانونیه خارجنده اولق اوزره تثبیت ایدلمش و بو حال، اشبو جمعیتلر افرادینه بو صورتله یاردیم ایدن کیمسه لرده کی نیت و اراده نك و قصد جرمینک آیری اولدینی اثباته کافی بر کیفیت بولونمشدر. ایلکینی قاعده عمومی — هم فعلک و اشتراک قاعده لری هانکی صوچلره تطبیق اولونه بیلیر؟

اولا — بر احتراصک تحت تاثیرنده اولارق حرکت ایدن یعنی «احتراصی جرملر» دن برینی ایقاع ایله یین بر کیمسه نك حالت روحیه سی اشتراک ایچون مقتضی استلاف قطعیتله تعییننه امکان بر اقامایه جنی جهته فوران نتیجه سی اولارق ایشله ن صوچلرده هم فعلک و اشتراک موضوع بحث اولامایه جنی بعض مؤلفین جزائی طرفندن سرد ایدلمش ایسه ده بو مطالعه مظهر حسن قبول اولماش و احتراصی جرملرده دخی هم فعلک و اشتراک موضوع بحث اولاجنی فکری غالب کلشدر. چونکه بر احتراصک تأثیری آلتنده حرکت ایدن کیمسه لره قصد جرمی اطرافنده استلاف ایدوب ایتدکلی حقنده کی احوالک مختلفه تعیینی مسأله سی حقوقي بر مسئله اولمقدن زیاده تقدیری برمسأله در. فوران حالتده مختلف اراده لره آنی بر استلافی مشکدر. فقط غیر ممکن دکدر. مثلاً آنی بر فوران نتیجه سننده بر شخصه توجه ایدن ایکی کشیدن بریسنک آنی طومسنده و دیگرینک دخی یارالاماسنده اشتراک ممکن اولدینی ایتالیان محکمه لرندن صادر اولان قرارلرده تثبیت ایدلمشدر.

ثانیاً — مدافعه مشروعه حدودینی تجاوز صورتیله [۱] ایقاع ایدیلن صوچلرده

اشتراک بولونه جفی حقنده اکثریت مؤلفین طرفندن سرد ایدیلن مطالعه کذلک ایستایان محکمه لرندن صادر اولان قرارلرده تطبیق ایدلشد.

ثالثاً — هم فعللک و اشتراک جرملرده اولدیی کبی قباحترده دخی بمکندر؛ ذاتاً قانونک برنجی کتابنک آلتنجی بابنک سرلوحه سی « جرم و قباحترده اشتراک » دی به تثبیت ایدلشدر. در حال شونی علاوه ایدیم که هم فعللک و اشتراک دایر اولان قاعده لر قباحترک اجرائی قسم لرنده [۱] قابل تطبیق اولور؛ یوقسه صرف اهمالدن متولد قباحتر حقنده موضوع بحث اولاماز. از جمله صلاحیتدار مقامک رخصت واذنی اولمقسزین مطبوع اوراق طاعتیق (۵۳۴ نجی)، یاخود آل یازیسی ایله اوراق تعلیق ایلک (۵۳۶ نجی ماده)، قوما ر اویناتیق (۵۶۷ نجی ماده) کبی اجرائی قباحترده هم فعللک و اشتراک قاعده لری قابل تطبیقدر. قباحتره طائد اولق اوزره قانونک اشتراک حقنده عمومی شکله قبول ایستییکی صورت، آنجیق « مثبت اشتراک » [۲] در.

رابعاً — خطاء ایشله ن جرملرده اشتراک و هم فعللک بولونامیه جفی صورت عمومی ده قبول و تصدیق ایدلشدر. خطاء ایشلمش اولان بر جرمدن نتیجه، فعللک اراده سی لاحق اولمقسزین وقوعه کئیس فرض اولوندیغه کوره او یله بر جرمدن مختلف اراده لرک عینی فکر جرمدن، عینی قصد جرمدن اتحاد و ائتلاف ایلمش اولمسندن — تناقضه دوشولمکسزین — بحث ایدیله مز. خطاء ایشله ن جرملرده متعدد کیسه لرک اهمالی موجود ایسه بونلردن هر بریسی کندی فعلندن مسؤلدر؛ اوطوموبیل دروننده بولنان افندیسنک آمری خلافتده شوفورک افندیسنه طائد اوتوموبیلی خیزلی سورمک صورتیله سوقاقده

[۱] قباحتر اجرائی واهالی اولق اوزره ایکیه آیریلور، ذاتاً بوقسیم قباحترک صورت تعریفندن دخی آکلاشمقده در.

[۲] جزا قانونک ۶۰ نجی ماده سنه کوره و قباحترده منی فعللر ایچون قراخانه وغازینو کبی محارک یا طرولری حقنده موضوع مشترک مسئولیتک بادیسی اولان منی اشتراک، منی هم فعللکدن متولددر، چونکه قاعده منی اشتراک یوقدر. آنجیق ۱۹۲۴ سنه سنده « حقوق جزا » حقنده اون ایکی جلدک براتر مغلله نشر ایدن ایستایاده یادووا دارالقنونی حقوق جزا و اصول محاکمات جزائی مدرسی موسیو مانجی، حرب عمومی اناسنده اصدار اولنان بعض قوانین و نظامات خصوصیه منی اشتراک استثناء قبول ایدلدیکنی ذکر ایله مکده در.

کیده نلردن برینی اولدیرمسی (۲۵۵ نجی ماده) ویا یارالامسی (۴۵۹ نجی ماده) [۱]
ومتعدد کیمسه لک مسکون بولوندیغی یرلر یاقینده احتیاطسزجه فشنگ آتقی صورتیله
یانغین چیقارمسی (۳۸۳ نجی ماده) بوقیلدندر .

اورنجی قاعده عمومی — هم فعللک و اشتراک حقنده بسط و تمهید ایتمکده اولدیغمز
شو مشترک حکملر میاننده شونی ده علاوه ایتمک لازمدرکه یا صرف معنوی (عقلی)
اشترک اولوق (۶۴ نجی ماده) قانونیه نك فقره ثانیه سینده و ۶۵ نجی ماده نك برنومروسنده
مصرح حاللر بوشکله داخلدرلر) ویا باشقعلری طرفندن ایقاع اولنان فعله ماده اشتراک
طرزنده بولونوق (۶۴ نجی ماده) قانونیه نك فقره اولاسنده و ۶۵ نجی ماده قانونیه نك
۲ و ۳ نومرولرنده مصرح حاللر بوشکله داخلدرلر) اوزره ایکی صورتده اوله ییلن
هم فعللک و اشتراک و ذات جرمده کی قصد ایله بونک جزالاندرلمسی ایچون مقتضی
عنصر ویا جزؤ مادی یه شامل ایکی شرطی تثبیت ایتمک لازمدر .

اولا؛ معنوی هم فعللک ایله اشتراک معین بر صوجه متدائر اولوق لازمدر . بناءً علیه
صوج ایقاعی ایچون بر تحریک ویا مجرد بر تشویق محرک ویا مشوقی، آخر طرفندن
ایشلمش بر صوجدن مسئول طومتق خصوصنده بر سبب کافی تشکیل ایده مز .

ثانیاً؛ معنوی هم فعللک و اشتراک جزا قانونیجه مستلزم مجازات عد ایدیله بیلیمک
ایچون حقنده تحریکده بولونقلری و کندیلرینک هر هانکی بر صورتده اولورسه
اولسون اشتراکی ویا یاردیمی دوشوندکلری فعل ممنوع هیچ اولمازسه تثبیت درجه سینه
چیقمالی، یعنی مجرمانه نیتدن و تصمیم و تصورندن اجرا صفحه سینه انتقال ایتمک [۲]
صورتیله جزالاندریله بیلیمک قابلیتی اکتساب ایلمیدر . قانونک قبول ایتدیکی سببسته
نظراً تشویق ویا قبوله اقراران ایتمه ن بر جرم تکلیفی، جزالاندریله موزوع تشکیل
ایده مز . ساده جه تحریک ویا جرم تکلیفی کرک هم فعل و کرک اشتراک جهتندن هیچ بر
مؤیده جزاییه یه تابع طوتیله ماز؛ مکرکه قانون آنی باشلی باشه مستلزم جزا بر فعل
ممنوع تلقی ایده . نه کیم جزا قانونمز هیچ بر صورتله اجراسنه باشلانماش اولسه بیله
بعض جرم لره تشویق استثناء جزالاندریمقدمه در؛ مثلاً : تورکیه جمهوریتک تشکیلات

[۱] بوراده موزوع بحث اولان جهت، او طوموبیل صاحبنک شریک صفتیله جزاء معاقب اولماسی
کیفیتیدر . یوقسه او طوموبیل صاحبنک مالاً مسئول اولدیغنده شبه یوقدر (جزا قانونی: ۳۷، ۳۸)
[۲] «جرمه تثبیت» باقیکنر .

اساسيه قانونك تمامي ويا بر قسمي جبراً تغير ويا تبديل ويا الفا و بويوك ملت مجلسي اسقاط ويا وظيفه سني يا بمقدن منع ايجون تشويقانده بولونانلر ايله اجرا و كيللري هيئتي جبراً اسقاط ويا وظيفه كورمكدن جبراً منع ايده نلري تشويق ايله نلر و حكومت عليه خلكي سلاح ايله عصيان ويا توركيه اهاليسني بربري عليه سلاحلاند يراق مقابله تشويق ايده نلر وعسكري جزا قانوننده يازيلي حاللر خارجنده دولتك سلاحلي قوتلري و ضابطه يني (پوليس و ژاندارمه) اطاعت و انضباطدن چيقيمه تشويق ايليانلر و ديني يا خود ديني حسياتي ويا ديناً مقدس طائينان شيلري آلت اتخاذا ايده رك هر نه صورت و صفتله اولورسه اولسون دولتك امنيتني اخلاص ايده ييله جك حركته خلكي تشويق ايليانلر منحصرأ بو تشويقدن دولايي قانونك ۱۴۶ ، ۱۴۷ ، ۱۴۹ ، ۱۵۳ ، ۱۵۵ ، ۱۶۳ نجى ماده لري موجبجه جزالانديرلمقده درلر .

جزا قانونمز معين ويا غير معين جرم لري ايقاعه علناً تحريكدن دولايي دخي جزا ترتيب ايتمكدن در . (ماده : ۱۵۳ ، ۱۷۲ و ۳۱۱) . فقط بو حاللرده قانون هم فعللك و اشتراك قاعده لرينه مخالفت ايتمامكدن در ؛ حقنده تشويق ويا تحريك و قوعبولان فعالر حقيقه ايشلنديكي تقديرده او قاعده لك تطبيقي ايجاب ايده ر . دنيله بيلير كه قانون بوبايده كي تشويق و تحريكده علانيت شرطيله يعنى اهالي و عصات مواجهه سنده يايلىق صورتيله دولت قوتلري و عامه نك نظامي عليه نده آنلري بر جرم مخصوص عديني استلزام ايتلشدن . حقوق جزا معلم

آدرفات : محمد باهر

ازمير صالح حاكم لاحق

محمد عارف

قانون مدني

قانون مدني نك ۴۴۴ نجى ماده سي حقنده

افندم ،

بر ميراث مسئله سندن دولايي و كالت جليليه تقديم ايله ديكم عريضه نك اصلنده كي شو ، [قارنك ميراثدن سكرده ايكي سنك تام ملكيتي ايله سكرده ايكي سنك ملكيتدن مجرد انتفاعنه و آنانك سكرده ايكي سنك تام ملكيتي ايله سكرده برك انتفاعدن مجرد